

三十八

第四六一册

博物彙編

藝術典

醫部

(卷)
四七—四八

小兒瘰癧之傷以下、瘰癧之疹之全四

善仲

古今圖書集成

中華書局影印



欽定古今圖書集成博物彙編藝術典

第四百七十五卷目錄

醫部彙考四百五十五

小兒瘡瘍門三

方二如意金黃散 生肌玉紅膏 八珍湯
如意金黃散 宗下同
如意金黃散 大黃蘆黃黃蘗並陳蒼南星厚朴天
花粉敷之百腫自然安
治癰疽發背諸般疔腫跌撲損傷濕痰流毒大頭
時腫瘡火丹風熱天泡肌膚赤腫乾濕腳氣婦女
乳癰小兒丹毒凡外科一切諸般頑惡腫毒隨手
用之無不應效誠為瘡家良便方也
天花粉上白十斤 黃蘗色重者 川大黃
薑黃各五斤 白芷三斤 紫厚朴 陳皮
甘草 蒼朮 天南星各二斤
以上共為咀片曬極乾燥用大礮磨連磨三次方
用密絹羅廚篩出磁壘收貯勿令泄氣
凡遇紅赤腫痛發熱未成膿者及夏月火令時俱
用茶湯同蜜調敷
如微熱微腫及大瘡已成作膿者俱用葱湯同蜜
調敷
如漫腫無頭皮色不變濕痰流毒附骨癰疽鶴膝
風證等病俱用葱酒煎調
如風熱惡毒所生患必皮膚亢熱紅色光亮形狀
遊走不定者俱用蜜水調敷
如天泡火丹赤遊丹黃水漆瘡惡血攻注等證俱
用大藍根葉搗汁調敷加蜜亦可
湯潑火燒皮膚破爛麻油調敷

藝術典第四百七十五卷

醫部彙考四百五十五

小兒瘡瘍門三

方二

如意金黃散 外科正
如意金黃散 宗下同
如意金黃散 大黃蘆黃黃蘗並陳蒼南星厚朴天
花粉敷之百腫自然安
治癰疽發背諸般疔腫跌撲損傷濕痰流毒大頭
時腫瘡火丹風熱天泡肌膚赤腫乾濕腳氣婦女
乳癰小兒丹毒凡外科一切諸般頑惡腫毒隨手
用之無不應效誠為瘡家良便方也
天花粉上白十斤 黃蘗色重者 川大黃
薑黃各五斤 白芷三斤 紫厚朴 陳皮
甘草 蒼朮 天南星各二斤
以上共為咀片曬極乾燥用大礮磨連磨三次方
用密絹羅廚篩出磁壘收貯勿令泄氣
凡遇紅赤腫痛發熱未成膿者及夏月火令時俱
用茶湯同蜜調敷
如微熱微腫及大瘡已成作膿者俱用葱湯同蜜
調敷
如漫腫無頭皮色不變濕痰流毒附骨癰疽鶴膝
風證等病俱用葱酒煎調
如風熱惡毒所生患必皮膚亢熱紅色光亮形狀
遊走不定者俱用蜜水調敷
如天泡火丹赤遊丹黃水漆瘡惡血攻注等證俱
用大藍根葉搗汁調敷加蜜亦可
湯潑火燒皮膚破爛麻油調敷

具此諸引理取寒熱溫涼製之又在臨用之際順
合天時洞窺病勢使引為當也

生肌玉紅膏

生肌玉紅膏更奇其中淡味少人知芷草歸身輕
粉竭白占紫草切甚推

此膏專治癰疽發背諸般潰爛棒毒等瘡用在已
潰流膿先用甘草湯洗再用猪蹄湯淋洗患上敷
絹挹淨用抵脚挑膏於掌中捺化遍捺新腐肉上
外以太乙膏蓋之大瘡早晚洗換二次內兼服大
補脾胃煖藥其腐肉易脫新肉即生瘡口自斂此
乃外科收斂藥中之神藥也

白芷五錢 甘草一兩二錢 當歸身二兩

血竭 輕粉各四錢 白占二兩 紫草二錢

麻油一斤

先用當歸甘草紫草白芷四味入油內浸三日大
杓內慢火熬藥微枯色細絹濾清將油復入杓內
煎滾下整血竭化盡次下白占微火亦化先用茶
鍾四枚預頓水中將膏分作四處傾入鍾內候片
時方下研極細輕粉每鍾內投和一錢攪勻候至
一伏時取起不得加減致取不效

八珍湯

八珍湯善理陰陽芍芍當歸熟地黃還要相兼四
君子何愁虛弱不榮昌

治潰瘍諸證調和榮衛順理陰陽滋養氣血進美
食飲和表裏退虛熱為氣血俱虛之大藥也

川芎 白芍 當歸 熟地黃 人參 白朮
白茯苓各一錢 甘草炙五分

水二茶鍾薑三片棗三枚煎八分食前服

蟾酥丸

蟾酥丸效獨稱雄乳沒砂礬輕粉同銅綠蟾酥寒水磨蝸牛又有用蜈蚣

治疔瘡發背腦疽乳癰附骨臂腿等疽一切惡證反瘡不痛或麻木或嘔吐病重者必多昏憤此藥服之不起發者即發不痛者即痛痛甚者即止昏憤者即甦嘔吐者即解未成者即消已成者即潰真有回生之功乃惡證中至寶丹也

蟾酥二錢酒化 輕粉五分 枯礬 寒水石煨

銅綠 沒藥 乳香 膽礬 麝香各一錢

雄黃二錢 蝸牛二十一箇 硃砂二錢

以上各為末稱準於端午日午時在淨室中先將蝸牛研爛再同蟾酥和研稠粘方入各藥共搗極勻丸如菉豆大每服三丸用葱白五寸患者自嚼爛吐於男左女右手心包藥在內用無灰熱酒一茶鍾送下被蓋如人行五六里出汗為效甚者再進一服修合時婦人雞犬等忌見

太乙紫金丹

太乙紫金丹大戟莢菰文蛤共千金雄麝硃砂凡七品諸瘡百證總通神

解諸毒瘡諸瘡利關竅通治百病此藥真能起死回生製之濟人奇效不可盡述凡居家出入與大工動大兵及閩廣雲貴仕宦者不可無之

山茨菰洗去皮毛淨焙二兩 五倍子淨二兩 麝香淨研三錢 續隨子仁白者去油淨一兩 紅芽大戟杭州紫者為上江南土大戟次之北方綿

大戟色白者性烈反傷正氣弱人服之有致吐血不宜用惟取上者去蘆根洗淨焙乾為末一兩五錢

硃砂有神氣者 雄黃鮮紅大塊者俱細研各三錢以上之藥各擇精品於淨室中製畢候端午七夕重陽或天德月德天醫黃道上吉之辰凡入室合藥之人三日俱宜齋戒沐浴更換新潔衣帽臨日方入室中淨手熏香預立藥王牌位主人率眾焚香拜禱事畢各將前藥七味復等稱準入於大乳鉢內再研數百轉方入細石臼中漸加糯米濃飲調和軟硬得中方用杵搗千餘下極至光潤為度每錠一錢每服一錠病勢重者連服二錠以取通利後用溫粥補之修合時除合藥潔淨之人餘俱忌見此藥惟在精誠潔淨為效治一切飲食藥毒蟲毒瘴氣惡菌河豚中毒自死牛馬猪羊六畜等類之肉人誤食之必昏亂卒倒或生異形之證並用水磨灌服或吐或瀉其人必甦南方山嵐瘴氣烟霧癘疫最能傷人感之纔覺意思不快惡寒惡熱欲嘔不嘔即磨一錠服之得吐利便愈癰疽發背對口疔瘡大蛇無名腫毒蛙節紅絲等疔及楊梅瘡諸風癰疹新久痔瘡並用無灰淡酒磨服外用水磨塗搽瘡上日夜數次覺痒而消陰陽二毒傷寒心悶狂言亂語胃膈塞滯邪毒未出瘟疫煩亂發狂喉閉喉風俱用薄荷湯待冷磨服赤白痢疾肚腹泄瀉急痛霍亂絞腸痧及諸痰喘並用薑湯磨服男子婦人急中顛邪喝叫奔走鬼交鬼胎鬼氣鬼壓失心狂亂羊兒猪頭等風俱用石菖蒲煎湯磨服中風中氣口眼歪斜牙關緊急言語

寒濕筋脈攣縮骨節風腫遍身疼痛行步艱辛諸風諸痢並用酒磨頓熱服下自縊溺死驚死斃死鬼魅迷死但心頭微溫未冷者俱用生薑續斷酒煎磨服一切惡蛇風犬毒蠍蜈蚣諸惡等蟲傷人隨即發腫攻注遍身甚者毒氣入裏昏悶費叫命在須臾俱用酒磨灌下再吃葱白被蓋出汗立甦新久瘧疾臨發時東流水煎桃柳枝湯磨服小兒急慢驚風五疳五痢脾病黃腫癰瘡瘡癰牙關緊閉並用薄荷浸水磨濃加蜜服之仍搽腫上年歲幼者每錠分作數服牙痛者磨塗痛上仍含少許良久嚥下小兒父母遺毒生下百日內皮塌爛斑穀道眼眶損爛者俱用清水磨塗打撲傷損松節無灰酒研服年深月近頭脹頭疼太陽痛作偏頭風及時瘡愈後毒氣攻注腦門作脹者俱用葱酒研服一錠仍磨塗太陽穴上婦女經水不通紅花湯下凡遇天行疫證延街及巷相傳遍染者用桃根湯磨濃擦入鼻孔次服少許任入病家再不傳染又治傳尸勞瘵諸藥不能禁忌一方士指教服此每早磨服一錠至三次後逐下惡物尸蟲異形怪類後得脫利以此相傳活人不計其數一女子久患勞瘵為尸蟲所噬磨服一錠片時吐下小蟲十餘條後服蘇合香丸其病頓失調理月餘而愈真濟世衛身之寶藥也

涼膈散
涼膈散中荊芥防薄荷粉結連大黃元參石膏牛蒡子貝母山梔總在藏
治咽喉腫痛痰涎壅塞甚膈間有火大便祕澀

防風 荊芥 桔梗 山梔仁 石膏 元參
薄荷 黃連 花粉 牛蒡 貝母 大黃各等分
水二杯煎八分不拘時服

金鎖匙

金鎖匙中用焰硝礬蠶片礬雄黃饒加上礬砂茹
更好咽喉腫痛即時消

治喉閉纏喉風痰涎壅塞口禁不開湯水難下

焰硝一兩五錢 礬砂五錢 眞片礬一分

白礬蠶一錢 雄黃二錢

各另研爲末和勻以竹筒吹患處痰涎即出如痰
雖出腫痛仍不消急鍼患處去惡血服煎藥

人中黃

治小兒諸胎毒痘疹黑陷內收唇焦口乾風熱斑
疹赤遊無有不效

毛竹一段兩頭留節一頭鑽一小孔用粉草磨爲細
末從孔灌滿以木條塞緊孔眼用磚扎之沉入大糞
池內半年取起長流水浸一日帶竹風乾磁確收貯
每服三四分凉水調服

胎毒爛斑土茯苓湯調服

尋常熱病入應病藥中調服即效

麥錢散

麥錢散治痘風瘡疏黃人信要相當川椒生熟枯
礬等麻油調搽自然光

治小兒痘風作痒疊疊成片甚則頑麻不知痛

小麥一升炒枯黃色乘熱入鉢內 硫黃四兩

白砒一兩

右先將硫砒爲細末乘麥熱時同入鉢內攪勻待

冷取起加烟膠半斤川椒三兩生枯礬各二兩共
碾細末臨用熱湯洗淨用麻油調搽油紙蓋扎三
日一換三次愈

升麻葛根湯

升麻葛根湯芍藥柴胡梔子共連翹木通甘草同
煎服丹毒遊行效最高

治小兒丹毒身體發熱面紅氣急啼叫驚搐等證
服之效

川升麻 乾葛根 白芍藥 柴胡 黃芩

山梔各一錢 甘草 木通各五分

水二鍾煎八分不拘時母子同服

消毒犀角飲

消毒犀角飲

消毒犀角飲防風加上黃連甘草同還用燈心爲
引使赤遊丹毒效神功

治小兒丹毒身熱氣粗啼叫驚搐不寧等證

犀角 防風各一錢 甘草五分 黃連三分

右水二鍾燈心二十根煎四分徐徐服之

紫雪

紫雪羚羊犀角同升麻寒水石膏蓬元參沉木香
甘草硝片硃砂金箔從

治小兒赤遊丹毒甚者毒氣入裏肚腹膨脹氣急

不乳即宜此藥救之又治傷寒熱躁發狂及外科

一切蓄毒在內煩躁口乾恍惚不寧等證

升麻 寒水石 石膏 犀角 羚羊角各一兩

元參二兩 沉香 木香各五錢 甘草八錢

水五碗同藥煎至一碗濾清再煎滾投提淨砂硝

三兩六錢微火慢煎水氣將盡欲凝結之時傾入

碗內下硃砂冰片各二錢金箔一百張各預研細
和勻碗頓水內候冷凝成雪也大人每用一錢小
兒二分十歲者五分徐徐嚥之即效病重者加一
錢亦可或用淡竹葉燈心湯化服

蘆薈消疳飲

蘆薈消疳飲薄荷元參甘草共柴胡升麻牛蒡
羊角梔子黃連竹葉服

治小兒走馬牙疳身熱氣粗牙齦腐爛氣味作臭

以及穿腮破唇者並服之

蘆薈 銀柴胡 胡連 川連 牛蒡 元參

桔梗 山梔 石膏 薄荷 羚羊角各五分

甘草 升麻各三分

水二鍾淡竹葉十片煎六分食後服

人中白散

人中白散力奇絕黃藥兒茶青黛列薄荷冰片要
相研口疳瘰上湯沃雪

人中白溺壺者佳煨紅一兩 孩兒茶二兩

薄荷 黃藥 青黛末各六錢 冰片五分

共再研極細末用溫湯漱淨吹藥疳上日用六七
次吹藥涎從外流爲吉內收涎毒入裏爲凶

黃連瀉心湯

解毒瀉心湯芩連荊芥山梔牛子橫薄荷甘草連
翹等木通加上效如神

治小兒心火妄動結成重舌木舌紫舌脹腫堅硬

語言不利者並宜服之

黃連 山梔 荊芥 黃芩 連翹 木通

薄荷 牛蒡子各一錢 甘草五分

水二鍾燈心二十根煎八分食後服

五福化毒丹

五福化毒丹連精青黛人參赤茯苓元參膽草牙
硝片甘草硃砂金箔呈

治小兒蘊積胎毒以及諸瘡癰疹傷風斑證口舌
生瘡痰涎壅盛譫言煩躁夜睡不寧

元參 桔梗 赤茯苓二兩 人參三錢 黃連

龍膽草 青黛 牙硝各一兩 甘草五錢

冰片五分 金箔二十張爲末 硃砂三錢

右爲末煉蜜丸芡實大每服一丸薄荷燈心湯化
服

保元湯

保元湯力效無窮救困扶危立大功甘草參芪兼

白朮棗薑加上起疲癢

治小兒痘癰出膿之後脾胃虛弱膿清不斂者服
之

人參 黃芪 白朮各一錢 甘草三分

薑一片棗三枚水二鍾煎八分食遠服

加減鼠粘子湯

加減鼠粘子湯花粉知母其藏荊芥山梔甘草燈

心竹葉難忘

鼠粘子 天花粉 知母 荊芥 山梔各六分

甘草二分

水二鍾淡竹葉燈心各二十件煎服

身熱加柴胡黃芩

有痰加麥冬貝母

咽啞加元參桔梗

咬牙加薄荷石膏

便秘加蜂蜜元明粉

昏憤加黃連硃砂

痲枯加當歸生地

戀疤加蟬蛻川芎

蛤粉散

蛤粉散治黃水瘡膿水沿開痒難當石膏黃藥惟

輕粉水調敷上即時光

蛤粉 石膏煨各一兩 輕粉 黃藥生礬各五錢

共爲細末凉水調搽冬月麻油調亦好

眞君妙貼散

眞君妙貼散奇功蓄麵硫黃白麵同諸般異證皆

堪效常活生民掌握中

治小兒胎毒皮肉腐爛疼痛不安用此敷之即效

明淨硫黃十兩爲末 蕎麪 白麪各五斤

右共一處用清水微拌乾濕得宜木箱內曬成麪

片單紙包裹風中陰乾收用臨時再研極細用新

汲水調敷如皮破血流濕爛痛苦等證麻油調搽

天泡火丹肺風酒刺染布青汁調搽並效

消毒飲子

治斑或癰疹瘡痒或作痛及風熱瘡毒

牛蒡子二錢 荊芥 防風各一錢半 甘草三分

右作一劑水一鍾煎五分徐徐服

解毒防風湯

治斑或癰疹或作痛

防風一錢 地骨皮 黃芪 芍藥 荊芥

枳殼炒各二錢

作一劑水一鍾煎五分徐徐服

清熱解毒丸

治五臟積熱毒氣上攻胃臆煩悶咽喉腫痛赤眼

壅腫頭面發熱唇口乾燥兩頰生瘡精神恍惚心

忪悶亂坐臥不寧及傷暑毒面赤身熱心煩躁而

渴飲食不下

寒水石 石膏各八兩 青黛四兩

右研末人青黛和勻蒸餅七箇水調爲丸如芡實

大每服一九食後新汲水化下或細嚼生薑湯下

如中諸毒並宜服之及驚風潮熱痰涎壅塞心胃

煩躁煩亦多渴坐臥不穩每服半粒量大小加減

橘皮湯

橘皮一兩半 甘草炙半兩 人參二錢五分

竹茹半兩

右每服半錢薑水煎食前服

聖愈湯

治諸瘡出血多而煩躁不眠

熟地黃 生地黃 川芎 人參各五分 歸身

黃芪各一錢

右水煎服

瀉心湯

治心經實熱口舌生瘡煩躁發渴

宣黃連 犀角各等分

右水煎服

臘茶散

治小兒陰囊生瘡疼痛水出久不瘥

臘茶 五倍子各五錢 膩粉少許

右爲未先用葱椒湯洗後用香油調敷

又方

治陰囊生瘡疼痛

川椒 荆芥 槐枝 柳枝 蛇牀子

右煎湯洗後用砂硝爲末鷄子清調敷

又方

治陰生瘡膿水不乾

烏賊魚骨

右爲末乾摻患處

又方

紫藤葉

右煎湯淋洗及作細末摻之妙

又方

治小兒陰生瘡不乾

輕粉 蜜陀僧

右爲末貼之

如痒加山梔子訶子燒存性研同前藥爲末先將

米泔水洗淨然後敷貼此藥

昇藥五靈散

幼近編下用

治小兒渾身破爛瘡凡父母生過廣瘡育兒鮮有

免者自頂至踵兩目外幾無完膚

眞膽礬治筋而滋肝其色青應東方甲乙木

大辰砂養血而益心其色赤應南方丙丁火

明雄黃長肉而補脾其色黃應中央戊己土

明礬理脂膏而助肺其色白應西方庚辛金

磁石榮骨液而壯腎其色黑應北方壬癸水

此方見焦氏筆乘惜其不用水銀製而用之功效

遲緩因加水銀一兩與前五味等分共入陽城礶

內打火三香取出加敷藥內用之效如神

神效敷藥方

珍珠五錢 冰片一錢 夜合花白者陰乾

象皮同黃沙炒候軟切片再炒候脆方研 血竭

降香炒研 乳香 沒藥各去油 花蕊石

孩兒茶煨 五倍子色紅者半生半煨各一兩

右各極細末方入白占八錢研勻最後入冰片

如欲去腐每兩加五靈散二錢

欲生肌每兩加前散三分或五分

如痘後膿水淋漓下疳等瘡只加二三

治湯火傷每兩加絲綿灰二錢剔牙松皮煨存性

韶粉煨黃各五六錢或乾摻或香油調

四黃散

證治準繩下用

治小兒身上一切熱毒瘡疾燥痒抓破有汁不乾

淨黃連 黃藥 黃芩 大黃 滑石各半兩

五倍子去蟲屑二錢半

右剉曬爲末用清油和調二錢至三錢塗搽患處

仍服四順散消毒飲

一抹金

治小兒遍身生瘡潰爛如糜燥痛膿汁不乾

藜蘆洗焙 蛇牀子 紅丹水飛過各五錢

硫黃 赤石脂 明礬火飛過 五倍子去蟲屑

黃藥去粗皮各二錢半 輕粉五十帖

右前八味或曬或焙爲末仍同輕粉在乳鉢再杵

勻用生肥猪膏碎切以瓦鉢和藥末杵爛塗患處

或清油調搽亦可

解表消毒飲

治小兒瘡瘍腫高焮痛便利調和脈浮而洪有表

證者用之

黃芪上部酒炒中部泔炒下部鹽水炒一錢半

葛根 升麻 赤芍藥 元參 牛蒡子炒

麻黃去根節 甘草各五分 連翹一錢

更看是何經分野加引經藥

手少陰加細辛三分

足少陰加獨活七分

手太陰加桔梗白芷各五分

足太陰加蒼朮七分

手厥陰加柴胡七分

足厥陰加柴胡青皮各五分

手太陽加藥本五分

足太陽加羌活七分

手陽明加白芷五分

足陽明加升麻葛根各七分

手足少陽加柴胡七分

水一鍾生薑三片葱白一根煎七分溫服不拘時

攻裏消毒飲

治小兒瘡瘍腫硬痛甚大便秘澀脈沉而實有裏

證者用之

瓜蒌連皮子細切三錢 連翹 牛蒡子炒研

當歸 白芍各一錢 大黃一錢半 砂硝五分

甘草七分

右用水一鍾煎至七分大溫服未利再服

連翹散



北京中醫藥大學圖書館版權所有

治癰癤等

連翹一錢 沉香 黃芪各半兩 白斂 砂硝
川大黃炮 甘草各一分

右搗為粗散每服一錢水一盞抄入麝香一錢煎五分去滓放溫食後服

寄生散

治毒腫甚者

桑寄生 獨活 大黃各一兩 犀角屑 砂硝 甘草各半兩

右搗羅為細末每服一錢水一盞煎五分去滓放溫服量兒大小加減

右解表攻裏之藥皆為腫瘍挾有內證者設也潰瘍勿拘此例

托裏榮衛湯

治瘡瘍外無焮腫內亦便利調和乃邪客經絡宜用此藥調理

黃芪炒 紅花各一錢 蒼朮米泔浸炒 柴胡 連翹 羌活 防風 當歸身酒拌 甘草

黃芩 人參各一錢 桂枝七分

右用水一鍾酒半鍾煎八分食遠服

托裏散

治一應瘡毒始終常服不致內攻

瓜蔓大者一枚杵 當歸酒拌 黃芪如前法製 白芍藥各一兩半 皂角刺炒 金銀花 花粉 熟地黃各一兩

右為粗末每服以三歲兒為率用藥一兩以酒一鍾入磁器內厚紙封口再用油紙重封重湯煮之

仍覆以蓋煮至藥香取出分服直至瘡愈神效解毒散

治一切瘡毒初起腫者即消已潰仍腫者即散已潰毒不解者即愈

金銀花一兩 甘草節五錢 黃芪 皂角刺炒 當歸各三錢 乳香 沒藥各二錢

右為散每服二錢酒煎溫酒調服亦可嬰兒病乳母亦服

發背癰癤方

如瘡已潰腫痛已止者去沒乳銀花倍黃芪甘草治陰瘡頭平向內者服之即突出其功效不可盡述若小兒痘瘡黑陷者止一服而起萬不失一

羌活一兩 穿山甲炒焦半兩 麝香少許

生人骨煨存性半兩

右末煎麻黃薄荷酒調

犀角消毒丸

治積熱及痘疹後餘毒生瘡

生地 防風 當歸 犀角屑 荆芥穗各一兩 牛蒡杵炒 赤芍 連翹 桔梗各七錢 薄荷 黃芩 甘草各五錢

右為末煉蜜丸如芡實大每服一丸薄荷湯化下

按前方善損中氣傷陰血若大人形病俱實脾胃健旺者庶可用之恐芽兒臟腑脆嫩不能勝此經云氣主噓之血主濡之氣者胃中冲和之元氣若胃氣一傷不能噓濡消散膿已成者不能腐潰膿已潰者不能生肌收斂因而難治甚致不起不可不慎也

托裏消毒散

治胃經虛弱或因尅伐致瘡不能潰散瘡未成即消已成即潰腐肉自去新肉自生

人參 黃芪 當歸酒拌 川芎 芍藥炒 白朮炒 茯苓各一錢 金銀花 香白芷 甘草炙 連翹各五分

右作二劑水煎徐徐服

托裏散

治瘡瘍因氣血虛不能起發腐潰收斂及惡寒發熱宜用此補托之

人參氣虛倍用 黃芪炒 當歸血虛倍用 白朮 茯苓 芍藥酒炒各五分 熟地黃二錢 右作兩三劑水煎服

八味茯苓補心湯

治心氣不足血氣不和而患瘡證

茯苓 棗仁炒各二錢 五味炒 當歸各一錢 人參一錢五分 白朮炒一錢 菖蒲五分 遠志去心六分 甘草炒五分

右作二三服水煎

敷藥鐵箍散

治一切瘡癰癰疽

芙蓉葉 黃蘗 大黃 五倍子 白芨 右為末用水調搽四圍

按前方乃寒涼解熱收斂之劑或有用白芨商陸根者有用寒水石天花粉者有用蒼耳金銀花者有用芭蕉赤小豆者有用草烏白芷之類者皆不分寒熱溫涼之雜餌內經云先腫而後痛者形傷



氣也先痛而後腫者氣傷形也又云五臟不和九竅不通六腑不和留結為癰外科精義云凡瘡腫高而軟者發於血脈腫下而堅者發於筋脈肉色不變發於骨髓蓋必有諸中而形諸外故受證之經與所患之位各有不同豈宜一槩外敷涼藥惟脾胃無虧血氣不和者庶幾有效若服化毒之類脾胃復傷血氣凝滯亦不能消矣至如疔瘡之類正欲宣拔其毒若復用前藥肌肉受寒血氣凝滯必致毒氣入內而不救治法必察其腫之高漫色之赤白痛之微甚作膿之難易出膿之稠薄生肌之遲速以別其屬陰屬陽或半陰半陽或純陰純陽而用相宜之藥以涼之熱之和之又當審受證之傳變五臟之相勝而以調補脾胃為主庶不致變惡證也

葛根白水散

治小兒赤白丹毒

白朮 枳殼各一錢 茯苓二錢 木香一錢半

葛根三錢 甘草二錢半

右剉散用水一盞煎不拘時服

犀角解毒散

治小兒赤丹癰壯熱狂躁睡臥不安胃膈悶滿咽

喉腫痛遍身丹毒

牛蒡子炒一兩五錢 防風 甘草各二錢半

荆芥穗五錢 犀角一錢半

右剉散用水煎不拘時服

防風升麻湯

治小兒丹癰赤腫

防風 升麻 山梔去殼 麥門冬去心 木通 甘草節各一錢

右咬咀用淡竹葉三片煎食遠服

荆芥散

防風 花粉 羌活 生地 當歸 蟬蛻各等分

右水煎服

化丹湯

解利丹毒遍身燥痒發熱煩啼

川獨活 射干 麻黃去根節 青木香 甘草 石膏末 黃芩 薄荷各五錢

右剉每服二錢水一盞煎七分無時溫服

藍葉散

治小兒月內發一切丹

藍葉一兩 黃芩 犀角屑 川大黃剉微炒

柴胡 梔子各一分 升麻 石膏各一分半

甘草半份微炒

右為粗末每服一錢水一小盞煎至五分去滓下

竹瀝半合更煎三兩沸放溫無時量兒大小加減

服後同

氣怯弱者可去大黃

升麻散

治小兒一切丹毒遍身壯熱煩渴

升麻一分 黃芩一分 麥冬三分 葛根三分

川大黃微炒一分 川砂硝一分

右為粗末每服一錢水一小盞煎至五分去滓溫

服無時

大黃散

治小兒一切丹毒遍身赤痛

川大黃半兩剉微炒 防風半兩 川升麻

黃芩 麻黃去根節 秦艽各一分 砂硝一分

右同咬咀每服一錢水一小盞煎至五分去滓溫

服無時

又

治小兒丹癰臟腑壅熱太過心神煩悶二便不通

川大黃微炒 川升麻 川砂硝 葵子各半兩

梔子仁一分

右為粗末每一錢水一小盞煎五分去滓量兒加

升麻膏

治小兒一切丹發無常處身熱如火燒宜用此膏

川升麻 川大黃 護火草 蛇嚙草 梔子仁

寒水石 川砂硝 藍葉 生地黃 芭蕉根

羚羊角屑 梧桐皮各半兩

右細剉以竹瀝浸一宿明日濾出却入鍋中以臘

月猪脂一斤慢火熬一食久乘熱以綿濾去滓候

冷成膏磁盒盛旋取磨塗之兼以膏如聚大竹瀝

化服之

又方

治小兒丹毒大腫身熱百治不折

寒水石十六分 乾藍青 竹瀝各一升 犀角

柴胡 杏仁去皮尖研各八分 生葛汁四合

知母十分 甘草五分 羚羊角六分 蜜二升

白芍藥七分 梔子仁十一分 川黃芩七分

石膏十三分

右水五升并竹瀝煮三升三合去滓內杏仁脂葛汁蜜微火煎一升三歲兒服二合大者量加之藥分太太嬰兒服未得

又方

治小兒丹數非一皆主之

大黃 甘草 當歸 川芎 白芷 黃芩

獨活 白芍藥 川升麻 沉香 青木香

木蘭皮各一兩 硃硝三兩

右以水一斗二升煮取四升去滓內硝湯中適寒

溫搗之乾再用差乃止

生料四物湯

治血熱生瘡遍身腫痒及脾胃常弱不禁大黃等

冷藥尤宜服之

生地黃 赤芍藥 川芎 當歸 防風各半兩

黃芩一錢半

右咬咀水煎量大小加減忌酒麵猪羊肉豆腐

藍青散

治小兒一切丹毒大赤腫身體壯熱如火已服諸

藥未減

乾藍青切 知母 梔子仁炒 甘草微炙

杏仁去皮尖雙仁熟炒微黃各半兩 寒水石

石膏 犀角屑 柴胡 黃芩各一兩 赤芍

羚羊角屑各三分

右爲粗末每服一錢水一盞煎至五分去滓入竹

瀝蜜生葛等汁共一合更煎三兩沸放溫無時服

量兒大小加減

解毒散

寒水石 滑石 石膏各等分

右爲末入辰砂少許量兒大小燈心湯下

赤葛散

治因血熱與風熱相搏遍身丹毒燥癢日久不消

赤葛二兩 甘草三錢

右碎每服二錢無灰酒一盞煎七分無時溫服不

飲酒者止用水一盞入酒一大匙同煎服

必效方

此泉州大智禪師文有經進必效方治小兒頭面

皮膚忽生瘡瘍火燎丹發起赤腫量有碎小瘡及

赤暈上瘡初發如錢漸暈開一二尺良久遍身入

口耳到臟腑即不救此證可畏速治之此乃自積

熱得

甘草一兩或半兩

右拍破入水一盞或半盞煎湯溫溫令乳母全口

呷含漱徐徐吐淋洗病處以手掌與指不得犯指

甲仍與兒甘草湯吃一用即不暈開良久再淋三

用立瘥

紅散子

治丹毒并土虺咬

茜根半斤

右爲末每服二錢溫酒調下立效

又方

治小兒一切丹毒通用

護火草半兩 紫葛 硝石各半兩

右爲末冷水調塗乾即再塗以瘥爲度

硝石散

治小兒一切丹毒遍身發熱

硝石一兩 乳香一分

右爲末以鷄子清調塗之

又方

太陰元精石一兩 白礬一分

爲末水調塗

又方

治小兒諸丹遍身如火纏腰即殺人

蟬蟄子不拘多少

右研細酒調飲兼塗丹上

一方以酒研細溫服無時

又方

治小兒一切熱毒丹及赤腫疼痛

大黃 馬牙硝研各一兩

右先將大黃爲末入牙硝同研水調塗患處乾再

易之

柳葉湯

治小兒一切丹煩

柳葉一斤

右用水一斗煮湯八升日洗七八次

綠袍散

萊豆五錢 大黃二錢

右爲極細末用生薑薄荷汁入蜜塗

碧雪

硃硝 青黛 寒水石 石膏 砂硝 馬牙硝

甘草各一錢

右爲極細末傳



冰黃散

治小兒赤癩丹毒丹鉞刀子疏去癩頭赤量惡血毒汁

土硝五錢 大黃一錢

右爲極細末用新井水調勻塗

又方

傳丹毒只一夜消盡

花蕊石

右以生薑薄荷自然汁調鵝毛刷上患處爲妙

黃芩四物湯

治諸瘡丹毒赤癩燥癢

黃芩一兩 當歸酒洗 生乾地黃 赤芍藥

川芎各半兩 何首烏去粗皮 草烏炮去皮

元參各二錢五分 甘草六錢 薄荷二錢

右咬咀每服水一盞煎七分無時溫服

張漢香鼓散

治白丹疔痛虛腫如吹

香鼓二兩炒焦 伏龍肝一兩

右爲末生香油調塗之

枳實湯

聖惠云夫白疔者由風氣折於肌中與風相搏遂爲疔也得天陰而冷則劇出風中亦劇得晴暖則滅身暖亦差宜用此方

枳實剉

右用水煮取汁洗拭丹上

又方

外臺備急治白丹

芋根三斤 小豆四升

右以水二斗煮日浴三四次兼治一切丹妙

升麻膏

治小兒赤丹腫毒

川升麻 白斂 漏蘆 川砒硝各一兩 黃芩

枳殼 連翹 蛇膽草各一兩半 梔子仁

薊藿各二兩

右剉細以猪膽一斤半慢火煎諸藥令赤色去滓

放冷磁盒收旋取塗之

又方

治小兒面身卒得赤丹或痒或腫不速療之卽殺

人宜用此方

殺羊角屑八兩

右以水五升煎一升絹濾人煉猪脂五兩和塗

張漢升麻膏

治赤丹初發肉如火色如鷄冠又名茱萸丹

川升麻 白斂 漏蘆 砒硝各一分 連翹

梔子仁各半兩

右細剉以猪膽半斤慢火同煎諸藥令赤色去滓

放冷塗

張漢祛毒丹

治丹黑色痒痛腫起

升麻 漏蘆 砒硝各二兩 黃芩 梔子各一兩

右爲粗末每以水三盞煎兩匙頭末微熱以帛搗

丹上以消爲度

張氏戎鹽散

戎鹽一兩 附子一枚 雄黃水飛半兩

右同研爲末每用少許以雄鷄血調塗

升麻湯

治小兒心熱身上赤流色如麝脂皮膚壯熱

升麻 川大黃剉微炒 川砒硝 元參各半兩

犀屑 黃芩 梔子 木通 炙草各一分

右爲末每服一錢水一小盞煎五分去滓溫服無

時量兒加減

乳香散

定疼

天仙藤一兩焙爲末 乳香一錢研

右每服一錢溫酒下

牛黃散

治小兒初生至二三歲一切風發赤白流走遍四

肢

牛黃 硃砂 蝸牛肉 全蠍 白僵蠶 天麻

白附子 乳香 麝香各一分 生龍腦一錢

螳螂翅五對五月中採

右爲細末每服一字薄荷水調下初生小兒洗了

後用乳調少許塗口中胎疾永除

大黃散

治小兒赤流熱如火

生大黃 鬱金 黃藥 膩粉 牙皂各半兩

右爲末生油調塗

又方

護火草汁三合 赤地利末三錢 膩粉一錢

右相和量兒大小加減服之良久瀉下血片爲效

其滓敷在赤處亦佳



又方

治小兒赤流半身色紅漸漸展引不止

牛膝去苗一兩 生甘草半兩

右剉以水一大盞煎五分去滓調伏龍肝末塗效

又方

生大黃一兩 赤小豆半合炒紫色 砂硝三分

右爲末雞蛋白調傳勿令乾

又方

李子油三兩 硃砂末一分

右二味調如膏塗之

元胡散

治小兒赤流

元胡索一兩 天南星二兩 川砂硝半兩

巴豆二十七箇去油

右爲末薑薑汁調翎毛掃之

又方

治赤流白流火發諸丹

生膽礬一錢 烏鰂魚骨一錢 蜈蚣一條全焙

麝香三十文 輕粉二十文

右一處乳鉢內研極細看丹多少用藥醋調令稀

毛翎掃丹上立止

又方

治赤白流

雄黃半兩 白礬一分 白芥子一分

右爲末水調掃

又方

治小兒表裏受熱之甚發遍身赤腫狀似丹疹

若於腹中周匝則不可救名曰赤油腫此藥如神胡荽不拘多少

右研取自然汁調水銀粉又曰輕粉鴨毛掃上病

處須臾赤色便變爲白或上有白癰子不妨或自

破亦無害乃是病去也調時不須太稠

消腫散

幼幼書譚氏殊聖方歌云五遊忽發遍身形恐悚

令人怕怖驚乍睡利羅生滿體莫冤神鬼錯看承

甘泉硝石蒼龍骨感攝消磨去痛疼更取鐵槽連

底水調和頻掃便身輕

清泉硝石 白龍骨各一兩

右研勻淨器收以鐵槽水調一錢掃塗立瘥

丹參散

治小兒身上有赤引於頰上或口旁眼下赤如臙

脂向上皮即皺剝漸漸引多此是心熱血凝所爲

其治法宜以小刀子鋒頭砭破令血出後宜服此

丹參 黃芩 枳殼麩炒 葛根 犀屑各一分

麻黃去根節半兩

右爲末每一錢水一小盞入竹葉十片竹茹半錢

煎五分去滓放溫量兒加減無時服

麥門冬散

治小兒身上有赤煩熱

麥門冬 蘆根剉 葛根剉 犀角屑 漏蘆

甘草炙微赤各半兩

右爲末每服一錢水一盞竹葉十片去滓放溫量

兒加減無時服

鉛霜散

治小兒身上有赤或癰腫或如火丹煩渴渾身赤壯熱

鉛霜研 菜豆粉各半兩

右用薑薑菜自然汁調塗

又方

伏龍肝一兩爲末 亂頭髮二兩煨灰研

右水調塗赤處

又方

治土鬼丹及馬汗入瘡大效

烏梅焙 糯米 杏仁去皮尖研 澱花各一兩

鹽豉一兩半 巴豆二十粒去心皮油研

右爲末糊丸先挑破瘡即以醋磨藥塗更以醋麪

蓋之服一二丸亦佳

靈苑方

治土鬼丹此病初發如湯泡頃刻則大連發不已

或至數處便能致困宜速治之

赤足蜈蚣一條 雞腸草 金蕎麥各一分

銅綠一錢 麝香少許

右爲末如患者用針穿破却用針眼上度藥在丹

內上面用醋麪膏子掩之如人有患不覺數日後

吃食不得即先服下項藥

大黃 甘草各等分

右爲末新汲水下半錢或一錢立瘥

犀角散

治小兒赤遊皮膚作片片赤腫此風熱所致宜此

犀角屑 黃芩 黃芪 川升麻 梔子仁

漢防己 川砂硝各一分 牛黃半分研



右為末煎竹葉湯調半錢無時量兒加減

升麻膏

治小兒頭面身體赤毒腫起作片者宜用此方

升麻一兩 犀角屑 射干 赤芍 元參

黃芩 梔子仁 川大黃 淨大青 藍子

羚羊角屑各半兩 生地黃二兩

右剉以猪脂一斤半於鑊中慢火熬不住手攪藥

色變膏成去滓磁盒內盛頻摩腫處

又方

黃蘗末 川大黃末 川礬硝各半兩 馬勃

水銀各一分水銀於手心內用津研令星盡

雞子三箇去殼

右同研成膏先以鉞鉞鉞破然後以膏塗之

又方

雞冠花 商陸 紫草 川大黃各半兩

右為末以雞蛋清入生油等分調塗乾再塗

又方

附子去皮臍半兩 川椒半兩去目 石鹽三分

右為末以煉了猪脂四兩相和慢火熬成膏磁盒

盛候冷頻塗以瘡為度

鬱金散

治游腫攻頭面焮腫赤熱疼痛宜用此

川鬱金牛兩 赤小豆一合 甜葶藶半兩

伏龍肝二兩 川礬硝半兩 生川大黃半兩

右為末以生雞子白并蜜少許令稀稠得所塗之

乾再塗

又方

治遊腫赤者

川大黃末二兩 護火草五兩

右相合杵塗之乾易

又方

治赤白遊腫

藜蘆子半合 鹽一錢 米醋一鷄子殼

右杵如泥看大小塗紙上貼之如走即隨處貼之

不三兩上效

又方

治青白赤遊腫手近微痛

生川大黃 蒲黃 伏龍肝各二兩

右為細末水和如薄泥塗之乾再用

又方

川大黃一兩 豉一合 紫檀一兩

右為末醋和塗乾再用

又方

治遊腫流遍身赤色入腹即死以生猪肉傳上數

數換之其肉蟲鳥不食蓋臭惡甚也

紫檀香二兩

右為末水調塗

嬰孺方

主丹入腹及下至卵者不治

麻黃炒 升麻各三分 硝石四分

右為末以井花水服方寸匕日三服

一方加大黃半分服之

劉氏家傳方

治走馬胎赤腫走入心腹則不救

槐葉取鮮者一握 生瓜萐去皮同槐葉搗

赤小豆末各三分

右和塗患處其效如神



北京中醫藥大學圖書館版權所有

柴胡 芍藥 人參 白朮 茯苓 陳皮
當歸各五分 牡丹皮 山梔炒 甘草各三分
右每服二錢水煎服

加味解毒散

治天泡瘡發熱作痛

元參 連翹 升麻 芍藥 當歸 羌活
生地 牛蒡炒各三錢 茯苓 甘草各二錢
金銀花 漏蘆各五錢
右每服一二錢水煎服或為末蜜丸亦可

金黃散

治天泡瘡消毒止痛

滑石 甘草

右各另為末和勻傳患處如泡挑去水傳之加黃

蘖尤妙

換肌消毒散

一名蕁解散治楊梅瘡不拘初患日久並效
土茯苓即蕁解 當歸 白芷 甘草 皂角刺
薏苡仁 白鮮皮 木瓜不犯鐵器各等分

右水煎食前并空心服

又方

治大人之劑如用前方未應或兒大宜用此方

土茯苓五錢 川當歸 白芷 皂角刺炒
苡仁各一錢 白鮮皮 木瓜忌鐵 木通
金銀花各七分 甘草 連翹 防風各五分
茯苓 芍藥各一錢 黃芪炒二錢 川芎
生地黃各八分
右作二三劑水煎兒大者作一劑煎分兩三次服

白斂散

治小兒王爛瘡一身盡如麻子有膿汁乍痛乍癢
或時壯熱

赤芍藥 甘草 白斂各三分 黃芩 黃連

黃藥微炙各半兩

右為末蜜水調塗日兩次即瘥

又方

治小兒王爛瘡及惡瘡

秫米 竹籬

右燒灰細研以田中禾下水調塗之效

黃連散

治小兒王爛瘡初患一日肉色變二日泡漿出或
四畔時赤漸長若泡漿匝身即不可治其狀如湯

火燒宜速用此

黃連末 胡粉各一兩

右研勻以生油調塗之

浸淫瘡方

治小兒身體發瘡初出甚小後有膿汁浸淫不已
漸大名浸淫瘡若先從四肢起漸向頭面者難治

也

鯽魚一尾長三寸者 豆豉一合

右杵如膏塗之又療馬鞍瘡

又方

苦瓠一兩 蛇蛻半兩燒 露蜂房半兩微炙
梁上塵

右為末油調塗

又方

伏龍肝三分 亂髮三分燒

右為末猪脂和塗

元參飲

治瘰癧及頭上生惡核腫痛

元參 川升麻各五錢 川烏炮裂去皮臍
草烏炮裂去皮 當歸酒洗 川芎 赤葛
生乾地黃 赤芍藥各二錢半 甘草三錢
大黃半生半炮四錢

右剉每服二錢水一盞薑二片煎七分無時溫服

升麻湯

升麻 射干 連翹 犀角屑 大黃微炮
砂硝各半兩

右咬咀水煎大小加減忌酒麪炙博物

柴芍參苓散

治肝火血熱遍身搔痒或起赤暈或筋攣結核

柴胡 芍藥 人參 白朮 茯苓 陳皮

當歸各五分 牡丹皮 山梔炒 甘草各三分

右薑棗水煎服

清肝益榮湯

治肝膽經風熱血燥筋攣結核或作癩子

柴胡 龍膽草酒拌炒各五分 當歸 川芎

芍藥各一錢 熟地黃自製 白朮炒 木瓜

山梔炒 茯苓 薏苡仁各五分 甘草三分

右水煎服

加味小柴胡湯

治肝膽經風熱耳前後腫痛或結核厥痛或寒熱
嘔熱口苦耳聾等證



柴胡二錢 黃芩炒一錢 人參 半夏各七分
甘草炙各五分 山梔 牡丹皮各一錢
右薑水煎徐徐服

益氣養榮湯

治氣血虛弱四肢頸項等處患腫不問腫潰日久
不斂俱宜服之

人參 茯苓 陳皮 貝母 香附炒 當歸
川芎 黃芪炒 熟地黃自製 芍藥炒各一錢
甘草炙 桔梗各五分 白朮炒 柴胡六分

右每服二三錢薑水煎

必效散

治癰癰元氣無虧者宜用此方若元氣怯弱者宜
先補而後服之癰癰毒已下便與滋補庶無他患
若孕婦及虛勞氣鬱所致者尤不可服世以此方
為良劑故併注之

南礪砂二錢五分 輕粉一分 麝香五分
大巴豆五粒去皮心膜油淨 白檳榔一箇
蟹螯四十箇去頭足翅同白糯米炒去米

右為末取鷄子二箇去黃用清調藥入殼內以濕
紙數重糊口甑蒸熟取出曝乾研細每服五分清
炒生薑酒五更調服

貼惡核方

赤小豆 牙皂 硝石 黃藥 木鼈子各半兩
右末鷄子清調塗患處

貼散癰癰神效方
白膠香 降真香用心無土氣者 海螵蛸

右等分為末糝患處外以水紙掩之一夜而退
神效良方

興化李八哥傳貼癰癰膏藥未破者即消已破者
即出惡物收斂

輕粉 麝香 珍珠 血竭 沒藥 乳香
黃蠟 銅青各六分 松香八錢 杏仁二十枚
蓖麻子二十枚去殼

以上十一味各研極細末攪和用磁杵鉢搗成泥
膏不犯鐵器不見火將膏捏傳絹上以手撲薄貼

又方

治癰癰破潰不斂

燒人場上紅黃土研細

洗淨患處摻之神效

皂角子丸

治肝膽經風熱項脅兩側結核

皂角子用仁炒二兩 連翹八錢 當歸 柴胡
芍藥炒 山梔炒 川芎各一兩 桔梗炒
龍膽草酒拌炒黑 甘草炒各四錢

右為末米糊丸菴豆大量兒大小加減滾湯下

九味柴胡湯

治肝經熱毒下注患便毒腫痛或小腹脅間結核

凡肝膽經部分一切瘡瘍或風毒惡核癰癰
柴胡炒 黃芩炒各五分 人參 山梔炒
半夏 龍膽草炒 當歸 芍藥炒各三分

甘草二分

右水煎服若腫痛赤色元氣無虧者宜用潰後腫
消痛止者不宜用大凡腫硬不潰潰後不愈者因

元氣虛也午前宜用四君歸芪升麻午後宜用四
君芍歸柴胡為主佐以九味蘆薈丸若飲食少思
者宜用五味異功散專補胃氣若膿水清稀而見
一切諸證皆因血氣內虧但溫補脾胃飲食加進
血氣化生諸證自退設治瘡邪是虛其處也禍不
旋踵矣

琥珀膏

治癰癰不潰或潰而不愈變成漏證

琥珀 木通 桂心 當歸 白芷 防風
松香 朱砂 丁香 木香 木鼈子肉各二兩

右先用琥珀丁香桂心朱砂木香為末其餘咬咀
以麻油二斤六兩慢火熬煎至白芷焦黑濾去粗

徐下黃丹一斤以柳枝不住手攪至黑色滴水捏
軟硬得中却入琥珀等末攪勻于磁器盛之用時

取少許攤貼

補陰八珍湯

治元氣虛弱不能潰斂或內熱補熱肌體消瘦

即八珍湯加酒炒黑黃蘗知母

惡瘡方

頻浴身安外宜無病

春用柳條荆芥 夏用桑葉槐枝 秋冬用苦參

右俱煎湯洗浴

加味羌活散

治小兒四氣外搏肌膚發為癰疹增寒發熱身痒

羌活 前胡各一兩 人參 桔梗 茯苓
甘草炙 川芎 枳殼炒 天麻各半兩
蟬蛻去髮 薄荷各二錢



右剉碎每服三錢水一盞生薑三片煎至六分不拘時服

當歸飲子

治小兒心血凝滯內蘊風熱發見皮膚遍身瘡疥或腫或痒或膿水浸淫

當歸 赤芍藥 川芎 生地黃 蒺藜炒去刺

荆穗 防風各二兩 首烏 黃芪 炙甘草各半兩

右剉碎每服四錢水一盞薑三片煎六分服無時

牛黃解毒丸

治胎毒瘡癤及一切瘡瘍

牛黃三錢 甘草 金銀花一兩 草紫河車五錢

右爲末煉蜜丸量兒大小加減服

立效散

治鬢瘡耳瘡及一切瘡疥

定粉 松香 黃藥 黃連 枯礬末各一兩

右各另爲末用清油燭油調搽

敷藥解毒散

治一切毒瘡風疹痛痒

大黃 黃藥 山梔 寒水石各等分

右爲末水調搽若破而膿水淋漓用當歸膏或清

燭油調尤善

傳瘡藥方

剪刀草 黃連 苦參

右等分爲末先洗淨次用麻油輕粉調傳

苦瓠散

治小兒浸淫瘡漸展不止

苦瓠二兩 蛇蛻燒灰 蜂房微炒各半兩

梁上塵一合

右爲細末生油調塗攤帛上貼

青金散

治小兒濕癬浸淫瘡

白膠香研一兩 輕粉半兩 青黛二錢半

右研爲細末乾糝瘡上

人參敗毒散

治瘡瘍邪氣在表應發者若增寒壯熱項強脊疼

或惡心咳嗽亦宜用之

人參 茯苓 川芎 羌活 獨活 前胡

柴胡 枳殼麩皮炒 桔梗 甘草炒各等分

右每服二三錢水煎

東垣人參安胃散

治斑疹因服峻厲之劑脾胃虛熱泄瀉嘔吐飲食

少思等證

人參一錢 黃芪炒二錢 甘草生炙各五分

白芍酒炒七分 白茯苓四分 陳皮三分

黃連炒二分

右爲末每服二錢水煎服

犀角消毒散

治斑疹丹毒發熱痛痒及瘡疹等證

牛蒡 甘草 荆芥 防風各五分 犀屑二分

金銀花三分

右水煎熟入犀角傾出服

地龍散

治小兒風熱癰疹狀如傷寒耳尖及手足冷

地龍洗去土焙 穿山甲以皂角灰炒黃各半兩

硃砂二錢研細

右前二味爲細末後入硃砂一處再研和勻每服

一錢用紫草煎湯調下不拘時服量兒大小加減

癰疹方

治大人小兒癰疹入腹即殺人

蕪菁子末

右酒調服三錢小兒加減

九味解毒散

治熱毒胎毒而發瘡瘍之類未潰作痛者

黃連炒 芍藥 防風 甘草各三分 金銀花

連翹各一分 當歸八分 山梔四分 白芷六分

右作一劑水煎母子並服

加味清涼飲

治熱毒積毒在內患瘡瘍大便不通而欲痛作渴

者

當歸 赤芍藥 甘草炙 大黃炒各三分

山梔炒三分 牛蒡子炒杵四分

右水煎服

人參消風散

治諸風上攻頭目昏眩項背拘急肢體煩疼肌肉

顫動耳若蟬鳴鼻塞多嚏皮膚頑麻瘙癢癰疹目

澀昏困

人參 白朮 蒼朮 茯苓 防風 芎藭 藿香

蟬蛻 厚朴薑製 羌活各三錢 荆芥穗

炙甘草 陳皮各五錢

右每服一二錢水煎

連翹防風湯



治小兒肝脾風熱時毒頭面生瘡

連翹研碎 防風 黃連 陳皮 芍藥 當歸

獨活 白蒺藜炒去刺 荆芥 茯苓 甘草

黃芩 牛蒡子炒研各等分

右每服二錢水煎服

和肝補脾湯

治風熱瘡疹脾土不及肝木太過

人參 陳皮 川芎各五分 山梔炒四分

白木 茯苓 芍藥各七分 柴胡 炙甘草各三分

右分二劑水煎服

益脾清肝湯

治肝脾風熱瘡寒熱體痛脾胃虛弱

人參 白木 甘草 茯苓 川芎 當歸

黃芪各三分 柴胡 牡丹皮各二分

右水煎服

三黃散

治風熱疔熱生瘡水浸淫膿流處便濕爛

松香 五倍子 黃連 黃丹 海螵蛸各一錢

輕粉 雄黃各少許

右爲末用瑩肌散煎洗滲之乾者油敷

養心湯

治心氣不足虛熱上攻而患瘡瘍者

黃芪炒 白茯苓 半夏麴 當歸 川芎

粹桂 柏仁 棗仁炒 五味杵 人參各三錢

甘草炒四錢

右每服一二錢薑棗水煎爲末服亦可

牛黃解毒散

治胎毒頭面生癩或延及遍身痒痛不安浸淫不愈及眉煉瘡

生甘草一兩 牛黃五錢膏梁之人必用之

金銀花一兩

右各爲末每服二三分乳汁調服或用甘草煎膏爲丸芡實大每一丸白湯化服外傳青金散亦可

拔毒散

治證同前及疥癩瘡癰

黃芩 黃連 白礬三味俱生用 雄黃各五錢

銅綠二錢痒甚加之 松香

右各另爲末乾糝患處或用油調搽

疥瘡宜加枯礬三錢

又方

川芎 酒芩 酒芍藥 陳皮各半兩 酒白木

酒當歸各一兩 酒天麻七錢半 蒼耳七錢半

酒黃藥 防風 酒粉草各三錢

右咬咀煎服四五次服之服過睡片時

頭瘡方

猪油一錢半生半熟 雄黃 水銀各二錢半

右研和勻傳瘡上

治癩頭方

松香一兩乾銚鎔開安在石上候冷取起輕輕研細

黑龍尾即屋上塵垂掛者 黃丹炒各三錢

白芷半兩 松樹皮燒灰存性 水銀 雄黃

白礬各二錢

右爲末以血餘入香油煎爛調傳患處

青金散

治小兒疥癬眉煉或延及遍身瘙癢或膿水淋漓經年不愈

松香二兩 真蛤粉五錢 青黛二錢五分

右爲末用燭油調搽或乾摻之或加輕粉枯礬各三錢以治前證及胎毒疥癩尤效

水銀膏

治月蝕瘡在兩耳上及竅傍隨月虛盈

水銀二錢半 胡粉 松脂 黃連爲末各半兩

猪脂四兩

右先熬猪脂令沸下松脂諸藥末及水銀攪令勻

磁盒盛先以鹽湯洗淨瘡塗敷三五度

胡粉散

治月蝕瘡

胡粉炒微黃 白礬煨 硫丹 川黃連淨

輕粉各二錢 臘脂一錢 麝香少許

右末先以溫漿水入鹽洗拭後摻藥如瘡乾麻油調敷

蔓荊子湯

治內熱耳出膿汁

升麻 木通 麥門冬 赤芍藥 生地黃

前胡 甘菊花 甘草 桑白皮 赤茯苓

蔓荊子各等分

右用薑棗水煎食後服

上清散

治上焦風熱耳出膿汁頭面瘡癰亦治胎熱眼睛

腫赤黃色稀黃壯熱啼哭及身上紅腫

川鬱金 甘草 北桔梗 天花粉 乾葛

此為試讀，需要完整PDF請訪問：www.ertongbook.com